

Relaciona cu e casonan di trafico
den Corte diahuebs awor:
**CHENS PA PAGA TE CU
17 JANUARI VENIDERO**



WWW.SOLODIPUEBLO.COM



SOLODIPUEBLO@GMAIL.COM

**REY DI TUMBA INFANTIL:
IAN TROMP
REINA DI TUMBA HUBENIL
JETZENIA MARTINES**



**ANUNCIO IMPORTANTE DI
MINISTERIO DI SALUD:
TEMPORALMENTE HOSPITAL
A POSPONE OPERACIONNAN**



**E AÑA AKI 55 HOBEN LO HAYA E
OPORTUNIDAD PA FORMA PARTI
DI CUERPO POLICIAL DI ARUBA**



**TRAHADOR DI K.I.A. BURACHI A
BAHA CAMINDA DAL PALO DI LUS Y
BAKI SUSHI ANTO LANTA CONTRA
POLIS Y PRENSA**



**SUCEDIDO NA
BUSHIRIBANA CU
KIER A CENDE
HOMBER NA
CANDELA TA
FALSO; E HOMBER
ENCUESTION TA
CONFUNDI**

Prome Minister Evelyn Wever-Croes: Den su discurso durante e recepcion tradicional di aña nobo, **GOBERNADOR DI ARUBA A REFLEHA RIBA E AÑA CU A PASA CU VISION RIBA AÑA 2024**

Prome Minister Evelyn Wever-Croes hunto cu algun colega Minister Y Parlamentarionan, a asisti na e recepcion tradicional di aña nobo di Gobernador di Aruba Su Excelencia Alfonso Boekhoudt na Cas Ceremonial. Prome Minister a expresa cu Gobernador den su discurso a repasa aña 2023, cu tabata un bon aña den diferente sentido, y a expresa cu indudablemente lo tin retonan e aña aki tambe. Sinembargo, Prome Minister a enfatisa, hunto nos por enfrenta tur reto.

Gobernador di Aruba a cuminsa su discurso enfocando riba e bon relacion di Aruba cu e Famia Real, mencionando e bishita di Su Mahestad Rey Willem Alexander, Su Mahestad Reina Maxima y nos Kroon Prinses Su Alteza Real Prinses Amalia y e bishita na final di Aña di Su Alteza Real Prinses Beatrix.

Gobernador a pone enfasis riba e recuperacion y crecimiento di nos economia despues di e pandemia y a elogia nos Gobernantenan, sector priva y tur NGO's pa e bon trabou haci durante e crisis aki. Turismo a aumenta pa prome biaha desde e pandemia, esaki compara cu cifranan prome cu pandemia. Tambe el a remarca cu e economia di Aruba ta beneficia enormemente di esaki.

Gobernador a enfatisa riba economia di nos pais bisando cu e crecimiento den economia tambe ta significa un responsabilidad grandi pa Gobierno tene e finanzas publico stabile y a referi na institutonan financiero mundial y CAFT. Basa riba e ultimo informe di IMF (International Monetary Fund), economia di Aruba a crece cu 8% durante 2023. Segun CAFT esaki por yuda reduci debenan existente y tambe ta bon pa inversionnan cu lo yuda e

crecimiento ya existente y haci nos economia mas resiliente.

Tambe Gobernador a enfoca riba flora y fauna di nos Pais y a bisa cu mester haya e balance entre progreso responsabel y e cuido di nos naturalesa.

Tin varios organisacionnan trahando duro pa cuida y preserva e naturalesa di Aruba.

Por ehempel a regula e transito di vehiculo den Parke Arikok y tambe e proyecto di e re-introduccion di nos lora a start y ta wordo vigila di cerca pa Su Alteza Real Prinses Beatrix.

Nos naturalesa tambe ta un pilar importante di nos industria di turismo y sigur pa e turistanan y tur hende cu kier relaha y disfruta di esaki, Gobernador a menciona.

Gobernador a sigui bisa cu e prosperidad di un pais no necesariamente significa bienestar pa tur hende. Tin varios proyecto y iniciativanan andando pa combati e pobreza y haya un balance. Esaki ta un tarea importante di e gobierno pero tambe di henter e comunidad. Nos tur por yuda unda nos por. Terminando su discurso Gobernador a papia di e importancia pa alcansa metanan, esaki ta cu union y respet pa opinion di otronan y tolerancia.

Prome Minister ta gradici Su Excelencia Alfonso Boekhoudt pa un discurso hopi bunita y inspirativo. E aña aki, Gobierno a declara como aña di Stabilidad y Prosperidad crea a base di inversion y innovacion.

“Meta di Gabinete Wever-Croes II ta pa nos logra establece un isla cu un economia productivo y stabiel, un pais cu por paga su debenan y alaves inverti den su futuro, pa crea oportunidadnan pa nos futuro generacionnan realisa nan soñonan. Un isla cu



un desaroyo sostenibel y husto, cu por brinda un calidad di bida cu salud, progreso y felicidad pa un y tur, specialmente pa esnan mas vulnerable. Un comunidad cu ta

trata otro cu respet, cu tolerancia y cu ta inclui tur hende den e progreso y prosperidad”, Prome Minister Evelyn Wever-Croes a expresa.



RESULTADO DI FESTIVAL DI TUMBA INFANTIL-HUBENIL 2024

Mas Popular Infantil : Ianway
Mad Popular Hubenil: K-Jay
Mas Ambiente: K-Jay
Best Costume: Reanne

Compositor: Jersey Isenia
Areglosta: Jersey Isenia y Giovani Mercera

Rookie of the Year: Queen Shine

CATEGORIA

INFANTIL:

Rey di Tumba Infantil:
Ian Tromp
Ian Way
B'a Flecha mi Curason
Compositor: Chendell Beaumont
Areglista: Raul Piar

Di dos luga Tumba Infantil:
Lizienne Webb
Queen Lizzy
Huma di Paz

CATEGORIA HUBENIL:

Reina di Tumba Hubenil
Jetzenia Martines
Queen Shine
Den nos cos
Compositor: Rygel Isabella y Janiro Eidsen
Areglista: Rygel Isabella

Di dos luga Tumba Hubenil:
Caylee Pietersz
Dancing Cay
Den dje para
Compositor: Richard "Tattoo" Quant
Areglista: Denny Loefstop



Di tres luga Tumba Hubenil:
Reanne Ras
Reanne
Celebra
Compositor: Chendell Beaumont
Areglista: Raul Piar

PABIEN NA TUR GANADO!
DANKI PA MANTENE TUMBA BIBO!

#SMAC #TumbaInfantilHubenil
#IslaDiCarnaval #Carnaval70
#Celebrating70Years #Aruba

Relaciona cu e casonan di trafico den Corte diahuebs awor: CHENS PA PAGA TE CU 17 JANUARI VENIDERO

Ciudadonan atento sigur a nota caba cu Polis ta sacando otro tipo di boet di trafico awendia, caminda e agente policial ta traha un asina yama OPV (oproepingsprocesverbaal) cu e ta duna e persona cu a comete un infraccion den trafico eynan mes den su man.

E version nobo aki di boet di trafico ta two-in-one. E ta 1. un boet of proces-verbaal pa un infraccion di trafico y 2. Un oproeping of yamada pa presenta dilanti Huez.

Esey kier meen cu e ciudadano no tin mester di warda mas pa haya un carta di Ministerio Publico na

cas pa haya sa con halto su boet ta. E agente policial ta marca e suma mes ora pa e por wak.

Kier meen tambe cu hende no tin cu warda mas pa haya un yamada (un asina yama oproeping) di Ministerio Publico na cas pa presenta dilanti Corte. Riba e OPV, net bao di e datonan personal, por wak e fecha y ora y lugar cu e tin cu presenta dilanti Huez.

Riba e formulario ta para alavez e number di e OPV. Pesey cu ta mucho mas facil pa paga cu antes, pasobra ya caba hende sa e suma y e number di OPV, loke ta net e informacion cu mester tin ora yega

na caha di Ministerio Publico pa paga of ora paga online (via cuenta bancario 4000905 na Arubabank).

Ministerio Publico a ripara cu hopi ciudadano ta realiza nan mes una vez nan ta para dilanti Huez, cu eigenlijk nan por a paga caba y kita e cos foy man mucho mas prome. Hende ta kere ainda cu nan tin cu warda pa haya carta na cas di Ministerio Publico. Pesey e relato di prensa aki!

Si bo persona comete un infraccion den trafico y polis para bo, e agente policial lo skirbi un OPV y duna bo den bo man. Desde e momento ey bo persona tin tempo pa

(eventualmente den terminonan) paga te 1 dia prome cu e fecha riba cual bo tin cu presenta den Corte. Si abo ta un di e personanan cu mester presenta dilanti Huez riba Diahuebs venidero 18 di januari, anto bo tin te Diaranzon 17 di januari tempo pa paga e transaccion. Esey ta bo deadline! Claro cu ta asina cu si bo persona no ta de acuerdo cu e boet cu bo a haya, bo por papia esaki cu Huez; bo no tin mester di page ainda. E oproeping ta bin na cancela una vez e cliente paga.

Pa tur pregunta por yama 5214100 of mail na info@omaruba.aw.

YEGANDO ROTONDE BALASHI FOR DI PARIBA UN S.U.V. A BAY DAL TRAS DI UN AUTO CHIKITO, DAMA DI EDAD HERIDA

Diabierna mainta a drenta informe di un accidente cu hende herida pariba dine rotonde Balashi, mesora a dirigi tanto polis como ambulans na e sitio. Na yegada di e patrulla a bin compronde cu aki ta trata di un accidente unda un hoben chauffeur di un Ford Edge no a regula

su velocidad ni a mantene distancia a bay dal tras di un Chevrolet Spark. E impacto a manda e dama di edad sinta patras dal su cabes na e sienta y tabata keha di hopi dolor di cabes. Na yegada di e ambulans nan a atende e victima y a transporte pa hospital.



TRAHADOR DI K.I.A. BURACHI A BAHAMINDA DAL PALO DI LUS Y BAKI SUSHI ANTO LANTA CONTRA POLIS Y PRENSA



Diabierna madruga a drenta informe di un accidente banda di Fantastic Gardens na Bushiri, mesora a dirigi patruya na e sitio.

Na yegada di e patruya a bin compronde cu e chauffeur lo a baha caminda na e birada ela dal un palo di lus y un baki sushi.

E chauffeur tabata papia fresco y bruto cu polis y no



kier a haci test y a bisa cu e ta traha na K.I.A. Despues di cu polis a logra convence ela haci e test unda ela surpasa e limite permiti. Polis a detene y e chauffeur

no a gusta y a papia fresco cu polis. Na yegada di e vehiculo di transporte pa detenidonan nan a bay cun'e na warda di polis.

PICK-UP NOBO HORTA FOR DI TANKI LEENDERT HAYA BENTANA Y DASHBOARD DESTROI NA PARKE MADIKI KAVEL



Diabierna mainta manera nos a informa cu desconocidonan a horta un pick-up nobo nobo y a bay cun'e. Despues di un rato a ricibi otro informe cu e pick-up aki ta dilanti e parke na Madiki Kavel,

mesora a dirigi un patruya na e sitio. Eynan polis a nota cu e ladronnan a destrui e bentana tambe e dashboard saca e carstereo y bay cun'e. Polis a tuma e keho di ladroncia.



ANUNCIO IMPORTANTE DI MINISTERIO DI SALUD: TEMPORALMENTE HOSPITAL A POSPONE OPERACIONNAN

Minister Dangui Oduber ta informa cu Dr. Horacio Oduber Hospital (HOH) a pospone temporalmente tur operacionnan regular di hospital. E decision aki ta debi na e capacidad actualmente di e cambernan, cu ta limita. Esaki ta bin door di entre otro trabounan di construccion cu ta tumando luga na hospital, ma tambe door di un subida di personanan cu mester wordo interna cu urgencia door di accident of malesa. Pa duna prioridad na e cuido y bienestar di pashentnan cu ta yega HOH cu urgencia y cu mester opera urgente, a dicidi pa pospone temporalmente e operacionnan regular di

hospital.

Mientras Hospital ta traha pa atende cu e restriccion di capacidad, Minister Dangui Oduber kier enfatisa na pueblo e importancia di mantene bo salud. Ta crucial pa pone atencion na prevencion contra sintoma di griep y pa mantene habitonan saludabel manera;

- Come cumindanan nutritivo
- Participa den ehercicio regular
- Duna prioridad na bo salud mental
- Bebe vitamina
- Bebe hopi awa
- Elimina sucu excesivo
- Elimina alcohol excesivo



Di biaha Minister Oduber ta tuma e oportunidad pa recorda pueblo, awo cu nos ta den e temporada di Carnaval, pa keda hidratada y evita consumo di alcohol den exceso. Bo seguridad

y e seguridad di otro ta di suma importancia.

Minister Oduber ta conta cu pueblo su comprension, cooperacion y compromiso cu bienestar di henter comunidad durante e

periodo di Carnaval. Minister Oduber ta termina bisando cu e ta desea cada un persona pa tin un bon salud & y corda ariba seguridad di un y tur.

Cuerpo Policial Ta Informa— DEPARTAMENTO DI RIJBEBWIJS TA CERA PA CURSO NA SU PERSONAL.



Departamento di Rijbewijs ta avisa cu dialuna 15 januari y diamars 16 januari nan ta cera full dia.

Tur dos oficina cu ta situa na Sta Cruz como esun na Oranjestad lo ta cera e dianan menciona.

Cuerpo Policial Aruba ta pidi comprension y disculpa pa e inconveniencia

PIEDRA PLAT 98 297 PARADERA, ARUBA

Smiles by
ERNESTO BERMUDEZ

Get a new
perfect smile

Renew your smile this
month with **our offers**
on **lower or upper**
dental veneers!

FREE CONSULTATION
+297 585 3255
+297 592 9398

SUCEDIDO NA BUSHIRIBANA CU KIER A CENDE HOMBER NA CANDELA TA FALSO; E HOMBER ENCUESTION TA CONFUNDI

olis a haci investigacion siman pasa di un sucedido cu lo a tuma lugar diahuebs 4 di januari ultimo den vecindario di Bushiribana. E incidente aki lo a encera cu un persona lo a wordo

maltrata pa cuatro homber, cu lo a purba cende na candela tambe. E supuesto victima a wordo localiza pa helicopter di polis, despues di cual e hospital a yega na e sitio.

E sucedido a causa conmocion den comunidad.

Sinembargo, investigacion policial a mustra cu tur e incidente aki no a tuma lugar nunca. E persona en cuestion ta un homber mustando comportacion confundi.

Oficina di Turismo (A.T.A.) ta formalisa acuerdo multi-anual hunto cu Comité Olimpico Arubano (C.O.A.)

UN ACUERDO EXTRA SPECIAL, DEN ANTESALA DI WEGANAN OLIMPICO MUNDIAL

Durante un conferencia di prensa na Oficina di Comité Olimpico Aruba, Ronella Croes - CEO di A.T.A. hunto cu Wanda Broeksema - Presidente di C.O.A. y Nicole Hoevertsz - Secretario General di C.O.A. a firma pa asina formalisa un acuerdo 2024-2025 como parti di un asociacion exitoso. Esaki ta nifica cu A.T.A. ta duna sosten pa cuater año consecutivo, for di año 2022 te cu 2025, na formacion di atletanan local.

Pa cuater año consecutivo, A.T.A. ta duna sosten na C.O.A. pa identifica y prepara atletanan local cu tin e potencial di representa Aruba den eventonan local, regional, y internacional. Caminda cu e atletanan ta fungi y briya como embahador di Aruba na eventonan y riba plataformanan grandi y reconoci. Alabes, A.T.A. ta reconoce e avance positivo den nos atletanan actual cu ta logrando logronan excitante pa Aruba. Atletanan cu ta un ehempel y estimulacion na otro atleta of futuro atleta pa demsotra cu soñonan por wordo realisa segun empeño y determinacion.

E meta principal como A.T.A. pa cu e acuerdo aki ta pa promove y posiciona Aruba internacionalmente y pa atrae e bishitante desea. Pa es motibo aki tambe ta ofrece sosten na eventonan Deportivo cu A.T.A. a bin ta patrocina di por ehempel, Aruba High Winds, KLM Marathon, Aruba Beach Tennis Internacional, y mas. Cada un di e eventonan aki ta brinda e oportunidad na nos bishitantenan y primordialmente na nos atletanan local pa competi na un nivel halto.

Hunto cu esaki, na final di 2023, A.T.A. a bin ta traha riba un investigacion pa asina por determina kiko ta locual cu mester ahusta na e maneho anual di evento y patrocinio. Un investigacion cu a conta cu participacion di 70 diferente partido den e mundo di entre otro deporte, pa asina por haci e strategia di A.T.A. aun mas skerpi conforme metanan nacional.

A.T.A. ta considera cu ta di suma importancia pa keda brinda sosten financiero na C.O.A. pa sigui asegura impacto y cobertura fuerte pa Aruba. Un di e coberturanan aki



lo ta durante di e Weganan Olimpico 2024 cu lo tuma lugar entre 26 di juli 2024 y 11 di augustus 2024 na Paris. Weganan Olimpico cu lo conisti di mas di 10,500 atleta, 206 Comité Olimpico Nacional, cu ta inclui Aruba, 329 evento cu lo consiti di 28 deporte y 4 deporte adicional. Un evento cu lo conta cu un cobertura mundial di un total di 3 bion televidente cu lo mira Aruba presente. Esaki sigur ta forma parti di e strategia di mercadeo general pa engrandecer e marca y reputacion di Aruba como un destino turistico.

Ta di subraya cu oficialmente Aruba ta conta cu 3 atleta cu lo representa e isla durante

di e Weganan Olimpico 2024, mientras cu otro atletanan ta pendiente pa ricibi resultado pa un posibel clasificacion. Algo cu ta duna A.T.A. gran satisfaccion y orguyo ta cu por claramente mira e inversion y sosten cu a bin ta haci den formacion di nos atletanan local cual ta haci cu e patrocinio continuo cu C.O.A. y nos atletanan ta duna su fruto.

A.T.A. ta gradici y felicita

hunta di C.O.A. y tur envolvi pa tur esfuerzo y e bon trabou cu a bin ta haci durante e ultimo añanan pa cu e desaroyo positivo di e atletanan local.

Por ultimo, A.T.A. ta felicita y desea hopi exito na nos atletanan cu a bin ta briya grandemente y tambe esnan cu pronto lo ta compitiendo na un nivel regional, internacional, y mundial. Aruba ta cu boso!



DOBEL TRIUNFO: BUCUTI & TARA BEACH RESORT Y ELEMENTS RESTAURANT TA LOGRA USA TODAY 10BEST AWARDS

Unico restaurant na Aruba cu ta logra un victoria gastronomico, y e resort mihor clasifica na e isla



EAGLE BEACH, Aruba – 12 januari 2024 – Bucuti & Tara Beach Resort, na Aruba, y su restaurant di cuminda distingui, Elements, a caba di haya nombramento pa USA TODAY como experiencia top culinario y di vacacion den Caribe. Dia 12 di januari 2024, pa 12 p.m. EST, e compania di medio di comunicacion Mericano ‘multi-platform’ di noticia y informacion a revela cu Bucuti & Tara a ricibi un USA TODAY 10Best Readers’ Choice Award 2024 como un ‘Mihor Resort di CaribeBest Caribbean Resort’. Elements a ricibi un USA TODAY 10Best Readers’ Choice Award 2024 como un Mihor Restaurant den Caribe.

“Nos ta gradici editornan y publico votador di USA TODAY 10Best pa honra Bucuti & Tara Beach Resort y Elements como mihor di mihor experiencia di vacacion y gastronomia, y mi ta gradici nos personal dedica cu ta comparti nan entusiasmo pa nos hogar na Aruba y un pasion pa converti soño di nos huespednan den realidad,” Ewald Biemans, Propietario/CEO di Bucuti & Tara Beach Resort, ta comparti.

Ganando desde 2017

Bolbiendo atrobe na 2024 riba e lista ‘top’, Bucuti & Tara a keda ariba como ganador anual den e USA TODAY 10Best Readers’ Choice Award pa Best Caribbean

Resort desde 2017. E resort a gana e mayor cantidad di voto na Aruba. Segun cu competencia ta florece, votadornan ta keda muestra nan aprecio pa e compromiso di e resort exclusivamente pa adulto, di provee un experiencia di vacacion sin igual dedica na romance, bienestar y sostenibilidad. E atencion intenso di e resort pa detaye y un acercamento orienta riba servicio prome, ta duna un vacacion sin preocupacion pa huesped cu hopi biaha ta bira bishitante leal, tanto asina cu USA TODAY a indica cu experienciando Bucuti & Tara ta “amor a primera vista”.

Unico restaurant di Aruba restaurant honra

Elements ta e unico restaurant di Aruba cu a ser nombra ganador den e certamen di 2024 USA TODAY 10Best Readers’ Choice travel award pa Best Restaurant in the Caribbean. Guia pa Executive Chef Alexander Powell, ken ta aclamando exito di restaurant cu strea di Michelin, Elements ta stima pa su full menus di cushina internacional, vegan, vegetariano, ‘gluten-free’ y su popular oferta di plato di Aruba & Caribe, crea di receptnan pasa di generacion pa generacion dentro di famia di miembro di personal. E facilidad su encanto romantico, posicion impactante na oriya di lama y servicio atento [ta resalta] dentro

di su setting sofisticada.

Otronan cu a aparece riba e lista ta inclui un restaurant guia pa un chef ganador di un James Beard, un joya scondi aprecia pa Anthony Bourdain y otro experiencia basa riba sabor, y cu mester purba, den Caribe. Participando den e característica - di tur tempo - di servicio superior na huesped y un cuminda memorable, cada ganador ta comparti un sentido di pertenencia cu un enfoque incrementa riba busca y celebra di manera sostenibel, ingrediente local.

Tras di e honornan

Ambos premio di USA TODAY 10Best Awards a cuminsa como nominacion resultando di board editorial di periodista di biahe altamente experiencia incluyendo Melanie Reffes, Jillian Dara, Brian Cicioni, Allison Tibaldi y Sharon Nolan. Despues di esey, publico a ser invita pa vota den transcurso di un luna.

Haya sa mas bishitando Bucuti.com

IMAGEN & VIDEO

Imagen ta den e Dropbox folder aki.

Imagen y video ta den e private media gallery.

Tocante Bucuti & Tara Beach Resort

Declara e prome hotel CarbonNeutral® den Caribe na augustus 2018, Bucuti & Tara Beach Resort Hotel No. 1 Hotel den Caribe y No. 18 den Hotel Mundialmente, segun Tripadvisor. Aruba su ‘adults-only boutique resort’ principal ta lidera pa e hotelero y ambientalista honra Ewald Biemans, nombra pa Caribbean Journal como e ‘2017 Caribbean Hotelier of the Year’. E resort ta situa riba e santo blanco inmacula di Eagle Beach, hogar di tortuga marino y nombra un di e



“Dream Beaches of the World.”

Hogar di e Experiencia Vacacional Mas Sigur y Mas Saludable di Caribe, y di e seyo di Aruba suCodigo di Salud y Felicidad (Health & Happiness Code seal), Bucuti tin 104 guestroom, suite y penthouse bon ocupa. E ta ofrece sunbed y sombra pa cada huesped; ‘infinity pool’ di awa fresco; spa; WiFi; y iPad como gesto pa uso durante estadia. Por disfruta cena ganador di premio na oriya di lama na Elements, Tara Lounge y tambe tin sirbi cena priva riba beach. Reserva exclusivamente pa huesped y nan amigonan, SandBar den aire liber ta ofrece cocktails di prome categoria y musica bibo diariamente hunto cu e prome ‘Healthy Hour’ di Caribe. E resort ta IGLTA y TAG Approved® como un ‘LGBTQ-friendly’ hotel. Bucuti & Tara, un lider mundial di turismo sostenibel, tin certificacion ‘eco’ di CarbonNeutral®, LEED Gold, Green Globe Platinum Travelife Gold y a ser nombra e Hotel/Resort Mas Sostenibel di Mundo na 2016 pa Green Globe. Na 2023, e resort a bira e miembro mas recien di Regenerative Travel.



Minister Rocco Tjon: E AÑA AKI 55 HOBEN LO HAYA E OPORTUNIDAD PA FORMA PARTI DI CUERPO POLICIAL DI ARUBA



Diabierna mainta, hunto cu Korpschef, minister di Husticia y Asuntonan Social sr. Rocco Tjon, a bishita scol di Polis na San Nicolas, pa asina duna bon bini na e klas di young professionals cu a inicia cu nan trayecto nobo pa comberti den polis.

Manera ta conoci, semper na inicio di aña, ta bishita tur e diferente wardanan di polis pa asina por scucha for di e personal mes kico ta e necesidadnan y retonan cu nan tin, pa asina wak con ta incopora esakinan

tambe den e plan strategico di Ministerio di Husticia y Asuntonan Social, cual ta wordo ehecuta cada aña. A inicia e trayectoria di bishitanan, cu Scol di Polis na San Nicolas, caminda a combersa cu e director suplente, e diferente docente y a yama bon bini na e klas nobo cu a cuminsa dia 3 di januari.

Un momento sumamente importante, mirando cu Ministerio di Husticia y Asuntonan Social ta inverti hopi den material,

infraestructura pero hopi importante tambe ta pa cuminsa recluta mas personal pa e ekipo di Cuerpo Policial di Aruba, pa asina por cuminsa traha pa mitiga e falta di personal cu tin actualmente. Esaki ta e prome klas, y manera ta conoci den presupuesto di 2024 a incorpora un fondo di desaroyo, esta un groeifonds, pa asina por recluta mas personal pa henter e cadena hudicial. Na Augustus dos klas mas lo bay inicia na scol di Polis, pues e aña aki so ya caba a percura pa alrededor di 55 polis adicional wordo recluta y cuminsa cu nan opleiding.

Banda di esaki, tin

diferente otro proyectonan andando, manera ta conoci ta colaborando mas cu sector priva, caminda na fin di aña pasa, a lansa e Aruba Tourism Security Patrol caminda Cuerpo Policial hunto cu sector priva, companianan di siguridad ta traha hunto pa di e forma aki brinda mas facilidad y na mes momento garantiza orden publico y mas siguridad na henter comunidad di Aruba.

Cuerpo Policial ta mei mei di un reorganizacion, Korpschef ta liderando henter e proceso aki, e organisacion ta bay bira uno mucho mas dinamico, e ta bay brinda mucho mas

oportunidad tambe na tur esnan cu ta traha na Cuerpo Policial di Aruba. Aña pasa so alrededor di cuarenta opleiding a wordo brinda na personal, pa asina nan sigui desaroya nan mes y nan por adapta y brinda un contesta mucho miho na e demanda cu ta bin riba nan y e organisacion aki.

Por ultimo, e mandatario a expresa cu e ta sumamente satisfecho cu e prome paso, caminda a inicia cu e prome klas nobo pa Cuerpo Policial, y na Augustus 2024, cuarenta polis mas lo inicia cu nan opleiding. Hopi exito na tur nos hobennan cu e trayecto aki.

SKYROCKETING SUCCESS: ARUBA AIRPORT SETS NEW RECORDS WITH UNPRECEDENTED TRAFFIC NUMBERS FOR 2023



In a remarkable feat that underscores Aruba Airport Authority N.V. (Aruba Airport)'s commitment to excellence in contributing to Aruba's aviation and travel industry, the final traffic numbers for 2023 have surpassed all expectations, firmly establishing the airport as a regional contender showing unprecedented growth and success.

In the year 2023, Aruba Airport experienced a staggering 13% increase in passenger traffic versus 2022 which stands at a recovery of 8% above 2019 numbers, reaching a new milestone of 1,368,129 departing, revenue generating passengers. These remarkable numbers solidify Aruba Airport as a leader in the region within the aviation industry.

Of this number of passengers 72% departed to the USA, 4% to Canada, 14% to Latin America and the Caribbean region, 6% to Europe and 4% to the Dutch Caribbean islands. When comparing these markets to the departing passenger numbers of 2022 it can be reported that the Canadian market grew with 82%, the Latin America & Caribbean market with 51%, the

Dutch Caribbean islands with 14% and the USA with 9%. The European market was the only market that decreased in amount of departing passengers for 2023 with 18% versus the previous year.

The average load factors (number seats occupied on board an aircraft) of aircraft operating out of Aruba were also extremely positive especially for the North America carriers (USA and Canada) and those from Latin American, respectively with an average of 92% and 83% for 2023. Our aircraft movements for 2023 have not yet reached 2019 levels and currently stand at a 92% recovery rate. Aircraft operations experienced a high load factor this past year and larger aircraft were also used by certain airlines.

This surge in traffic not only reflects the increasing popularity of Aruba as a travel destination but also signifies the positive economic impact on our local community. As more travelers choose Aruba for their journey, the tourism industry on the island is thriving and will continue to create further opportunities. The Gateway 2030 expansion



project that Aruba Airport is currently developing will further support these opportunities and the first phase of this project is set to be completed in 2024. The next important expansion phase is also set to commence in the year 2024. Based on the passenger's satisfaction and experience levels expressed by means of our monthly airport surveys, Aruba Airport has managed to handle their needs at a very good level in both satisfaction and experience during 2023. Notwithstanding these results, Aruba Airport's focal point during the coming years will not only be to ensure that travel options are maintained and expanded on and that airport experiences are safeguarded, but also that the additional airport infrastructure is created with the next phases of the Gateway 2030 project.

Joost Meijs, CEO of Aruba Airport Authority N.V., expressed excitement over the remarkable achievement, stating, "These outstanding numbers are a testament

to the hard work and dedication of our team, as well as the trust and preference of travelers who choose Aruba as their destination."

In the past year, Aruba Airport introduced innovative services, expanded its route network, and implemented cutting-edge technology, all of which have played a pivotal role in attracting more passengers and airlines. As Aruba Airport continues to soar to new heights, passengers can expect even more exciting developments on the horizon, with plans for improved and expanded facilities, enhanced services, and a commitment to providing an overall pleasant and authentic airport experience.

About AUA Airport

AUA Airport is one of the busiest airports in the Caribbean region, with 22 different airlines operating into Aruba contributing to processing over 2.5 million passengers per year and providing air service to 22 cities and 34 non-stop destinations

worldwide. AUA Airport's markets served comprise of 76% from the United States & Canada, 14% from Latin America, 6% from Europe, and 4% from Dutch Caribbean, year to date, December 2023. AUA Airport attributes this to the island's stable economic and political climate, hospitable and multilingual population, and safe environment. AUA Airport's aspiration is to become one of the most Sustainable, Safe, and Future Proof airports of the Latin America & Caribbean region, providing a trusted workplace, modern airport facilities and excellent customer service which reflects Aruban hospitality, contributing to a prosperous future for Aruba.


Learn more about what's happening at AUA Airport by visiting www.airportaruba.com and connect with AUA Airport on [Twitter.com/Aruba_Airport](https://twitter.com/Aruba_Airport), [Facebook.com/ArubaAirport](https://facebook.com/ArubaAirport), [Instagram.com/arubaairport/](https://instagram.com/arubaairport/) and [Linkedin.com/ArubaAirport](https://linkedin.com/ArubaAirport).

Ladronicia di auto ta sigi awor hasta pick-up tambe nan a horta

Diabierna mainta a drenta informe di un caso di ladronicia na Tanki Leendert, mesora a dirigi un patruya na e sitio.

Na yegada di e patruya a bin compronde cu desconocidonan a bay cu e pick-up Hyundai H100 cu glasnan tinted y ambos porta tin

un sticker di RGM Project Management. Polis a tuma e keho y a pasa e informe rond pa tur e patruyanan riba caya.



Mas ladronicia di auto, nan a bay cu un Hyundai Getz berde for di Belgiestraat

Diabierna mainta un doño di auto a presenta na warda di polis Oranjestad na Paardenbaaistraat pa asina raporta ladronicia di

un Hyundai Getz di año 2007 berde A55160. Nan a bay cu e vehiculo aki for di Begiestraat. Polisnan ta riba caya bus-

cando autonan horta. Si abo sa unda e autonan aki por ta yama polis mesora.



Polis a bay na Madiki Kavel pa atende un doño di hopi cacho y cu ta laganan los riba caya anochi

Diahuebs anochi a drenta informe di cu tin un doño di hopi cacho y cu den oranan di anochi ta laga esakinan los riba caya, me-

sora a dirigi un patruya na e sitio. Na yegada di e patruya a papia cu e doño y a hala su


atencion. Pero awor a para bira cu hendenan tin cacho como proteccion debi na cantidad di ladronicia cu tin awendia.



Polis a para y boet dama chauffeur cu a comete infraccion den trafico

Diabierna mainta un oficial di e brigada motorisa a para un dama chauffeur cu a caba di comete un infraccion den trafico.

Polis a hala e dama su atencion pa e infraccion cometi y a dun'e un boet.



POLIS A YUDA TURISTANAN BUSCA NAN AUTO YA CU NAN NO TA CORDA UNDA NAN A PAR-KEER NAN AUTO

Diahuebs anochi durante patruya banda di Renaissance algun turista a para polis puntra pa yudansa ya cu nan no ta corda

unda nan a para nan auto y a dwal.

Polis mesora a subi nan den e patruya y a core

rond te cu nan a logra haya e auto di huur dilanti Kok Optica. E turistanan a keda masha contento cu e ayudo policial.



Polis y bombero a bay Tanki Flip pa un cas na candela

Diahuebs anochi a drenta informe di cu tin un cas na candela na Tanki Flip, mesora a dirigi tanto polis como bombero na e sitio.

Na yegada di e patruya a bin compronde cu aki ta trata di un candela di sushi pero cu e habitantenan mes tabata pagando esaki.

Bombero a yega pero ya no tabata tin nada mas pa haci y a bolbe na nan post bek.



Dropping di droga den dia cla den tereno di K.I.A. por medio di un drone chikito



Diasabra den oranan di atardi a logra mira un drone chikito bula riba K.I.A. y drop un paki droga den e instituto correcional.

Mesora e ciudadornan di preso a recupera e droga y a confisca esaki mientras a despacha patruya [pa sigi e drone pa mira unda

e ta baha pa haya esnan responsabel, pero como cu e drone ta hopi chikito no a logra mira unda exactamente ela bay.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

LOTO Paardenbeestraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 11 Jan 2024 Merdia		
CATOCHE Sorteo # 8143 0277 1461 4595 x2 BIG 4 Sorteo # 7187 1662 OFF Sorteo # 1892 2930 TODIAS Sorteo # 5946 1369 Tauro LUCKY 3 Sorteo # 876 306 Fp	LOTTO 5 Sorteo # 0 x Jackpot 0 x Match 4+ 0 x Match 4 0 x All 12.00 LOTTO 3 Sorteo # 6355 0 x Jackpot 4 x Match 4 172 x All 8.00 MEGA Sorteo # 0 x Jackpot 0 x match 4 0 x All 500.00 0 x All 50.00 0 x All 15.00 ASIA 100	Joker Letter Proximo Jackpot 270.000,- 08-10-18-19-25 Proximo Jackpot 68.000,- Mega Ball Proximo Jackpot 360.000,- Afl. 460.000,-
	Sorteo #	

SABIDURIA DEN NOS ALEGRIA


Skirbi pa Ruthy "Lady Ruth" Vrieswijk-Bergen



Awe nos ta coba un crenchi den nos bahul di recuerdo di 2023. Nos no a alcanza di traha riba un relato pa fin di anja 2023, pesey nos ta pone un crenchi di luz ariba un bunita actividad cu a tuma lugar den Centro di Barrio y Deporte Dakota, na final di 2023, ora cu musica dushi di aguinaldos y gruponan tipico a deleita un dushi publico presente den nos Centro di Barrio den Dakota tur dia, tambe cu un dushi Dande. E dushi musica aki a aleg- ra mas e curasonnan, pa hunto cu nos dushi hendenan di Dakota tur dia, a celebra e bunita y dushi homenahe brinda na dos di nos baluartenan di nos bario. Dos gentil cabayero amigo di otro fei hopi anja y tur dos cu nan talentonan musical cul- tural y profeshonal. Nos ta papiando di Papito Rafael y Eric Rincones. Nos conose Papito na e number aki aunke e tin un number oficial tambe nat- uralmente. Pero, pa nos e ta y ta keda Papito

Rafael, tocador di varios instrumento musical, hopi conosi pa su tocamento di wiri cu e banda cu semper a com- panja Juan Chabaya "Padu" Lampe, tempo di tempo di Padu, awe den felis memoria. Nos tambe a hari cu smak, ora nos a tende tur locual Papito a hasi y pasa aden pa cu su pasion di toca- mento cu a cuminsa e.o. ariba hemchi cu palo y despues riba e drumset di su ruman Eric Bubu. Ta otro genio musical cu su number di carino, Eric Bubu, esposo guapo di un di nos bunita Rein- anan den Dakota, Ruby Lake. E anochi aki den CBDD e tremendo mae- stro di ceremonia a repasa e bida talentoso musical di Papito y di meneer Eric, cu segun e informa- cionnan menciona no ta di Dakota, Meneer Rincones a lanta den otro bario, pero a duna les na scolnan den Dakota y ta wordo acepta y considera como un di nos dushi hendenan di Dakota pa tur su tempo, amor y

dedicacion duna na nos muchanan. Un shon di hende cu a duna di alma y curpa na yuda forma nos muchanan di Dakota, un bario multicultural tin biaha un crenchi complica. Pero, ta hopi bon hendenan profes- shonal nos dushi bario di Dakota a produci danki tambe na tur e otro bon maestro y maestran- an na e scolnan Pius X y Fatima College di an- jas, entre nan e dinamico y lieve Juffrouw Glenda Richardson-Kelly y ainda nos por corda Me- neer Eddy Jacobs, dfm, tremendo maestro ! Nos flamante ministro di cultura Sra. Xiomara Maduro a papia masha masha bunita mes di e dos baluartenan, Sra. Maduro bisti den un bistir sumamente alegre tropi- cal hopi bunita mes. Cu bunita briyo y luz riba su cara y den su bunita wowonan. Su bunita cu- rason cultural a papia. E mihor pareha bailador di Aruba, ya caba un crenchi di edad, pero masha lenig mes, cu por wordo mira den casi tur districto y of na club Nau- tical, ora tin fiestanan du- shi bailabel, Betto y Helen a "steal the show" cu nan bunita move- cionnan elegante y alegre ariba e pista di baile. Ta un placer y dushi vitamina alegre pa wowo y curason mira y sinti nan pasion y alegria ariba e pista. Te akinan nos prome "duik" den nos bahul di recuerdo di 2023. Danki pa lesa nos relato cu atencion y curason. Pa es- nan cu mi no a topa, un Bon 2024 colma di salud, alegria, paz, amor, felicidad, y un curason hu- milde yen di gradicimento pa bida y pa tur cos ! Nos lo sigui duna nos lectornan un dushi "bear- hug" den 2024 tambe. Un dushi "bearhug" di Lady Ruth !!!



VALIDO TE DIASABRA 13 DI JANUARI 2024,
18:00 ORA
TEMPO:

AWE TARDI Y AWE NOCHI: PARCIALMENTE
NUBLA Y GENERALMENTE SECO

DEN MARDUGA Y MAYAN: PARCIALMENTE
NUBLA CU UN AWACERO PASAJERO

AVISO/ ALERTA:

TA SUGERI OCUPANTENAN DI BOTO CHIKITO PA
BAI CU

CAUTELA NA PARTINAN OOST TE NOORDWEST
DI COSTA Y LAMA HABRI.

PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN AWACERO
BREVE.

BIENTO LO TA FOR DI DIRECCION OOST Y
MODERA

TE BASTA FUERTE, FUERTE TE POSIBLEMENTE
DURO DEN RAFAGA;

TEMPERATURA (GRADO CELSIUS) MAX / MIN
LO TA: 32 / 26

EMAN TA DENUCIA CIFRANAN DISCONECTA DI REALIDAD DOLOROSO DEN PUEBLO

Atrobe Parlamento ta worde jama den un forum di show, "Openbare Bijeenkomst", den cual parlamentarionan no por entrega mocion ni cambio di maneho. E biaha aki Gabinete Wever-Croes a bin presenta "crecemento economico". Algun siman pasa durante tratamiento di Presupuesto 2024 a presenta "surplus den presupuesto 2024".

A RANCA MAS DI 1.6 MILJARD

EXTRA DI PUEBLO

Gabinete Wever Croes a ranca mas di 1.6 milard florin extr na medida for di pueblo. Mientrastanto gobierno ta keda pinta un realidad imaginatorio y contrario n'e realidad doloroso di pueblo. Den e mundo di e Gabinete Wever Croes Aruba ta bayendo bon y e 7% cu Gabinete Wever-Croes a impone mas reciente no lo tin un efecto riba e cartera di e pueblo. Esey t'e impresion cu lider di fraccion di Partido di Pueblo Arubano (AVP), mr. Mike Eman ta conclui for di e reunionan cu ta worde yama pa blinda wowo di pueblo cu cifranan totalmente disconecta di e realidad den pueblo.

GABINETE WEVER – CROES SORDO Y CIEGO PA DOLOR DEN PUEBLO
Pa Gabinete Wever Croes tur cos ta 'koek en ei' na



Aruba. "Ta manera nos ta biba den dos diferente pais," e lider di oposicion, mr. Mike Eman a expresa.

Den reunionan cu Camara di Comercio y ATIA, AHATA, SNBA, AFBA, Comerciantenan Uni Aruba (CUA) y expertonan gobierno basta luna pasa caba a worde alerta riba efectonan devastador cu medidanan tin riba e consumidor. P'esey mes e lider di oposicion ta keda insisti cu gobierno no kier wak cu a yega na un punto di saturacion caminda pueblo no tin mas pa duna.

Eman: "Na 2018 a redobla BBO, despues a aument'e di 6% pa 7% y nan ta hayando 300 miyon mas pa aña cu e gobierno anterior cu si tabata drecha

scol, bario, caretera, hospital, muda waf, drecha caya grandi y centro di ciudad. Nos gobierno si a

duna un inhaalmanoeuvre, un indexering, un reparatietoeslag."

PUEBLO NO POR MAS

E lider di oposicion, mr. Mike Eman, ta kere cu mester tin un bari sin fondo

caminda 1.6 milard Florin a desaparece pasobra no ta mir'e cerca nos pueblo, no ta mir'e na infraestructura, ni na scol. Alcontrario, awo ta cera scol, ta cobra schoolgeld barbaro, ta kita remedi di nos grandinan y ta sigui impone medida.

E lider di oposicion, mr. Mike Eman ta conclui cu henter e pensamiento cu bo por keda impone medida y cu e no ta bay tin un impacto riba bo economia y pueblo, ta un pensamiento hopi robes di hendenan cu solamente ta biba den un "bubble", pero no ta wak e realidad cu nos ciudadanonan ta pasando aden.

Clasificados

SOLODIPUEBLO@GMAIL.COM
CEL. 585 9500

**Ta Busca,
Looking for
"BOBCAT "
CAT236B!
Paga Cash or
Transfer!
Whatsapp
5648009**

**Ta Busca,
Looking for
Excavator
operator!
Good Salary!
Whatsapp
5648009**



SOLO Di Pueblo
BRIYANDO FUERTE • TRECIENDO CLARIDAD

Tipline: 585 9500
e-mial: solodipueblo@gmail.com

Cacho Fila Brasileira cu a drenta cura di hotel a spanta hopi turista




Diahuebs anochi a drenta informe di cu un cacho Fila Brasileira a drenta cura di un di hotelnan na Palm Beach y a spanta turistanan, mesora a dirigi un patruya na e sitio. Na yegada di e patruya na e hotel a bin compronde for di un guardia di seguridad cu e cacho a caba di sali for di e cura di e hotel. Polis a bay busk’e rond y a logra topa cun’e y a hinke ddn e patruya pa hibe na un shelter.



Chauffeur di un van a bay dal den banda di un auto birando su dilanti



Diabierna mainta a drenta informe di un accidente dilanti AMC Unicon na Avenida Milio Croes, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda un Nissan Versa ba bay bira na su man robes y su tras tabata bini un van cu a bay dal e den banda. Afortunadamente ningun hende a resulta herida.



2					9			
	9		5				6	
8	1	5		7		9		
1				6	7		9	
9			4	5				2
	3							8
	5					8	2	
4							1	6
3			2					7

	3	8				2	4	
6			9		2			1
		4			8			6
4	7	1	2			3	5	
		5					1	
	8	3				6	7	
		6			1	5	2	9
		2					8	


Laga tur loke ta sperami ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esaki nan termina den tur bunitesa

Agradecido pa tur locual cu e la significa pa nos, pero conforme
cu boluntad di Dios nos ta anuncia

fayecimento di nos mama, ruman, wela, bisawela, suegra,
tanta y madrina:

Clotilda Maduro

Mihor conoci como "Titi" of "Dudu"



Vuida di Mario Dijkhoff

Na number di su yiunan:
Emilio y Esther Thiel-Arends y famia
Shelley Thiel y famia
Joseline Thiel y famia
Tata di su yiunan:
Antonio (Efe) Thiel Q.E.P.D.
Rumannan:
Marianne y Jose Figaroa-Maduro y famia
Edwin y Nicha Maduro-Barros y famia
Chila y Mariano Angel-Maduro y famia
Vallita y Micheal Hoo-Maduro y famia
Glenn y Judith Maduro-Dirks y famia
Nieto/a nan:
Emile Thiel y Carolina Thiel-Span
Daryll Thiel y Mary Geerman
Ken Thiel
Andrew Feliciano
Daniella Robles de Medina
Andric Feliciano
Ashwin Feliciano Y Lady Aquilar
Ritchie Thiel y Lousette Rafael
Ashton Feliciano
Anshellie Feliciano y Brandon Tromp
Bisanieto/a nan:
Davey, Gian Luca y Anayah
Sobrino/a nan:
Jeanny Maduro, Josanne Oduber, Jacqueline Nadall, Ryan Maduro, Hose (Jo-mar) Figaroa, Michelle Sheffer,
Joanne Erasmus, Natalie Zorich, Nicole Hoo, Glenbert Maduro, Jurianne Maduro, Glenrick Maduro
Ihanan: Filomena (Mena) Geerman y Stanley Banfield

Personanan cu a cuide: Erica y Laimar
Tanta y omonan, primo y primanan, amigo/a nan y demas famia:
Thiel, Arends, Maduro, Feliciano, Robles de Medina, Hoo, Nadall, Angel, Bar-ros, Schwengle, Span,
Figaroa, Banfield, Wouters, Oduber, Sheffer, Zorich, Tromp, Aguilar, Geerman, Angela, Medford, Ras,
Hernandez, Erasmus, Petrochi, Kock, Betancur, Rafael, Dijkhoff, Cruz, Gil, Lacle, Dubero

Amistad di cas: Cenith Span
Nos disculpa si den nos tristeza nos por a lubida algun fam di famia

Ta invita tur famia, amigo y conocir pa asisti na e acto di
entiero cual lo tuma lugar diasabra 13 di Januari 2024.

E restonan mortal di nos Dudu stima lo ta reposa
for di 9or di mainta pa 11or di merdia na Royal
Funeral Home (Dilanti Cmart)

Nos ta lamenta cu despues di entiero nos lo no
ricibi bishita di condolencia na cas.

Sopi di letranan

U	T	E	Y	E	S	L	I	A	N	MOUTH
N	S	N	N	H	W	O	B	L	E	FEET
I	I	A	Q	I	T	M	V	N	F	LIPS
H	R	A	O	C	K	U	O	T	I	HEAD
C	W	U	E	A	D	S	O	I	N	CHIN
S	R	A	E	S	Y	A	S	M	G	ELBOW
D	L	I	P	S	O	C	E	T	E	EARS
H	T	E	E	T	W	N	O	H	R	WRIST
J	D	F	E	E	T	C	T	I	S	EYES
T	O	N	G	U	E	W	I	U	J	FINGERS
										TOES
										TONGUE
										NOSE
										TEETH
										NAILS
										SKIN

ORACION DI DIA



Un dia fructifero cu hopi bendicion, gracia, amor y
paz di Señor 'Hesus a bolbe bay canto di lago.
Tur hende tabata bini cerca dJE y E tabata siña nan'.
(Marco 2,13)

Pa medio di Santa Eucarestia y Santisimo nos por
acerca Hesus y haya Su enseñansa.
Mescos cu tur hende tabata bay cerca Hesus canto
di lago y cu E tabata siña nan, asina nos tambe tin
cu asisti na celebracion di Santa Eucarestia y bishita
Hesus den Santisimo pa nos por ta den Su
presencia. Haciendo esaki nos ta scucha e Palabra
di Dios y nos por haya un guia con nos tin di biba.
Bishitando Santisimo nos por medita e Palabra di
Dios den presencia di Hesus y asina pa medio di
Spirito
Santo nos wordo guia riba e bon caminda. E Pal-
abranan di Dios ta un luz riba nos caminda y ta guia
nos pa ta un hende husto tur dia di nobo.
Mescos cu Hesus a sinta come cu e cobradonan di
belasting y cambia nan pa ta hendenan husto asina
tambe Hesus t'ey pa drenta den
nos curason y cambia nos.

Oracion: Dios Tata, pa medio di Hesus Su enseñansa,
laga pa nos por compronde Bo palabranan y pone
nan den practica.

Cu guia pa Spirito Santo nos por bira un persona
husto den Bo bista.
Amen.

TEAM SNOR CONTRA TSUNAMI LO HABRI AÑA 2024!



Calabas/Kudawecha - E palacio di Domino aya na Kudawecha, e mundialmente famoso Domino Square Garden, lo habri temporada 2024 c'un berdadero sambom-baso di domino, nada menos cu e rebeldenan di Team Snor contra e tecniconan di Team

Tsunami! Shonan, aki ta dos duro ta bay topa otro pa wak ken ta haya e "head start" pa aña 2024. E "take no prisoner mentality" ta ON! E trabuconan di Team Snor, bou liderasgo "spiritual" di "Snor" Perez y guia tactico di Captain Magda, lo tin como meta e

aña aki pa demostra cu nan por "survive" un aña sin haya un derota! Dje otro banda, e ekipo pata pata cu strategianan "onorthodox" den domino, e ya famoso Team Tsunami bou liderasgo di Sunny, lo tin como gol pone nan number "for once and for all" riba e hall of fame di e unico Domino Square Garden na mundo! Pues shonnan, amante di "dynamite domino", e diasabra aki, 13 di januari 2024, cuminsando pa 8'or di anochi, un tabla hancho lo bula aya na Kudawecha ora e flamante ekipo di Team Snor subi escenario pa enfrenta e trabuconan di Tsunami! Como di custumber, entrada ta completamente



gratis y durante halftime, snacknan lo pasa e boca dushi nan totalmente por nada. Yega un, yega tur p'e gran apertura di

temporada 2024 aya n'e palacio di 'pega-piedra' na Kudawecha, e famoso Domino Square Garden. Yega.

ASISTENCIA NA PAPILON Y HOOIBERG A TERMINA DEN DETENCION DI UN SOSPECHOSO BUSCA PA RECHERCHE SANICOLAS



Diahuebs atardi a drenta informe di un asistencia na Papilon, mesora a dirigi un patruya na e sitio. Debi na e asistencia nan mester a bay na Hooiberg tambe unda a hasi un detencion. Pero tabata dificil pa haya detayenan di e motibo di detencion.

SOLO
Di Pueblo
BRIYANDO FUERTE • TRECIENDO CLARIDAD

Tipline: 585 9500
e-mial: solodipueblo@gmail.com



Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 AFI 400,00

Pa mas informashon por tuma contacto cu oficina na
585-9500 of na 741-4554